



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 51. An etiam peccet contra justitiam, qui pauperi extremè indigenti non dat eleemosynam.

urn:nbn:de:hbz:466:1-42634

omni proximi cessante manebit obligatio , quia manebit superfluitas , hoc autem nemo dicet , quia ubi non est necessitas , non potest esse eleemosyna : Unde manet probabilis opinio communis , inquit *Carden*: n. 15 , quod dives non tenetur sub mortali ad danda superflua statui , nisi sit gravis necessitas.

204 *Q. 51.* *An etiam peccet contraria justitiam , qui pauperi extremi indigenti non dat eleemosynam.* *R.*
De hoc sunt tres sententiae :

Prima , quae est communior , absolutè negat : hanc tenent AA triginta & plures apud *Carden*: in 1. crisi d: 20. n. 76. , qui in divite agnoscunt tantum obligationem ex Charitate , dicuntque bona tunc fieri communia , non quoad dominium sed quod ad usum : Ratio potest esse , quia tum fit eleemosyna , ubi autem est eleemosyna , non est justitia : Deinde alias sequeretur , quod dives negans illa , postea teneatur ad restitutionem , & ad damna secuta compensanda:

205 *Secunda* , absolutè affirmat : hanc tenet *Pet: Hurt*: citans alios sex & sequitur *Carden*: Rationem dant , quia ex mente SS. Patrum , quos refert *Carden*: , Deus bona dedit divitibus sub eo onere , ut in necessitate dispensent egenis , ergo ex hoc contractu innominato , do , ut des vel do , ut facias , tenentur divites ea bona sic elargiri indigentibus , ergo tenentur ex justitia : Deinde non dare sic egenti est homicidium , uti afferunt SS. Patres , omne autem homicidium est contra Justitiam , ergo . Ad rationes oppositas dicunt , titulum Charitatis esse compossibilem cum

cum titulo justitiæ , sicuti si debeam centum , & incidas in paupertatem , solvens centum satisfacio titulo Charitatis & Justitiæ : nec ideo debebitur restitutio , si transierit necessitas , quia debitum erat tantum pro circumstantiis necessitatibus , & quasi conditionale , ergo desinente necessitate definit ; admittit tamen *Hurt:* , si negans eleemosynam præviderit damna , obligari compensare .

Tertia distinguit cum *Lugo de Justi.* d. 16. n. 206
142. & 153. & *Tamb.* in Dec. I. 8. t. 2. c. 6. §. 2. n.
5. & 6. , hi dicunt in extremè indigo esse verum
jus justitiæ ad ea bona arripienda , quamvis in
possidente non sit obligatio justitiæ ad ea danda ,
sicuti ante divisionem bonorum quisque habe-
bat jus ea sibi acquirendi , quamvis nullus tene-
retur ea tradere , nam sicuti si res aliqua sit com-
munis , Petrus ante illius occupationem non ha-
bet jus Justitiæ , quo alii obligentur eam ipsi tra-
dere , ita etiam extremè pauper non habet jus
justitiæ impediens alios , ne eâ re utantur , vel
cogens eos ad eam offerendam , sed tantum ha-
bet titulum , ut eam occupatione possit facere
suam ; Quod autem jus accipiendi in uno & obli-
gatio succurrendi in altero non necessariò ex ea-
dem virtute procedant , probat *Tamb.* à pari ,
nam qui vovit eleemosynam tibi dare , tenetur
ex Religione eam dare , tu tamen non habes jus
nec Religionis nec Justitiæ eam arripiendi : Addit
Tamb. n. 8. obligationem Divitis , ut non impe-
diat pauperem ab occupatione rei , esse ex Justi-
tia , quia cùm omnia sint communia pro ista ne-
cessitate , pauper habet jus , ut non impediatur
faltem in usu , hinc infert *Tamb.* n. 9. , si dives

L 5

non

non offerat extremè indigenti , non obligari ad
damna secuta , si fortè hic fame moriatur , &
Uxor cum prolibus destituatur alimentis , quia
non offerendo peccavit tantùm contra charita-
tem ; si autem vi impedit eum à sumendo , vel si
cibum à paupere jam occupatum vi recipiat , te-
nebitur ad damna , quia peccavit contra Justi-
tiam.

207 Q. 52. *An sit obligatio gratis dandi extremè indi- genti.* R. Si alibi habet aut alio tempore habebit bona , v. g. per hæreditatem vel laborem proprium , docent S. Thom. Suar. Valen. aliquique com- muniter cum Dicast. de Just: l. 2. t. 2. d. 9. n. 228. non teneri dare gratis , licet enim sit pauper re , tamen non est pauper spe ; sed si supponamus esse pauperem re & spe , id est , neque nunc ha- bere nec probabiliter posthac habiturum ali- quid , adhuc docent Hadri. Covarr. Vasq. Less. Lug. de Just: d. 16. à n. 167. satìs esse , si det mu- tuò , sub conditione , si fortè ad meliorem for- tem redeat , quam sententiam Dicast: vocat pro- babilem ; & ratio est , quia sic succurritur neces- sitati : è contrà S. Thom. Fill: Con. & alii cum Burg: cent. 1. cas: 89: probabilius dicunt teneri dare gratis ; quam sententiam Val: dicit esse tam cer- tam , quām certum est dari præceptum eleemo- synæ , hinc Bann: oppositam sententiam appel- lat falsissimam , sed omisis censuris probatur sententia nostra , nam tum urget præceptum ele- mosynæ , quæ non est sine donatione ; deinde quia sic simpliciter non levaretur necessitas pau- peris , sed una mutaretur in aliam . Videri potest Dicast: suprà.

Quo